

Aswir : M1 Tasekla

Almud : Tasnarrayt – Méthodologie (Asenfar n unadi – Avant-projet de recherche)

Aselmad : Mokrane Chikhi

Asenfar n unadi (Avant-projet de recherche)

D acu i d asenfar n unadi ?

D yiwen n uftar (document) ideg d-yettili ugram s ubrid n tussna n umahil i ara yexdem yiwen yer zdat. Deg usenfar n umahil ilaq ad yili uskan n merṛa n yiferdisen n tesnarrayt icudden yer tezrawt-nni.

Iferdisen n tesnarrayt

1- Afran n usentel (Le choix du thème)

Anelmad ad d-yessisen asentel iyef yebya ad yexdem tazrawt, ad d-yessisen timental i t-yeḡḡan ad yefren asentel-a, ama d timental icudden ar wazal i yesɛa usentel-nni deg unadi usnan nay timental icudden yer lebyi-s netta. Amedya : Anelmad ma iḥemmel ad iyer kra n umyaru yerna yeṛra merṛa idlisen n umyaru-ya, aya yezmer ad yili d timentilt n ufran n kra n udlis n umyaru-agi akken ad as-yexdem tazrawt.

2- Iswi n unadi (L'objectif de la recherche)

Yewwi-d yef unelmad ad d-yesken iswi n unadi i yebya ad yexdem. D amedya ad d-yesken acu n lfayda ara d-yernu unadi ara yexdem i tezrawin n tsekla tamaziyt.

3- Askan n waddad (État des lieux)

Anelmad yewwi-d fell-as ad iwali tizrawin d yidlisen yettwaxedmen yef usentel i yefren, armud-a sawalen-as “ **asekfel n wayen yuran** “ (**Revue de littérature**). Askan n waddad, d aglam n yimahilen-a yettwarun uqbel yef usentel d uskan n wayen iyer sawden wid i ten-ixedmen.

4- Tamukrist/Agnu (Problématique)

D tagruma (ensemble) n yisteqsiyen yerzan tagnit ideg yella usentel. Akken ad tili tmukrist tgerrez, ilaq anelmad ad yessemres timiḍranin (concepts) icudden yer usentel. Tamukrist deg-s asteqsi agejdan deg-s dayen isteqsiyen isnawiyen (secondaire).

5- Turda (hypothèse)

Turda d tiririt tusridt (directe) i usteqsi agejdan d yisteqsiyen isnawiyen.

Turda tettili-d s usenned yer kra n tezri iwulmen amahil.

6- Akatar aẓrayan (Cadre théorique)

D askan n tezri iwulmen amahil seg tmezra n tsekla.

Yal asentel yesɛa tizri nay timezra i t-iwulmen nay ara yefren unelmad akked ad yexdem ilmend-nsent tasleḍt.

7- Tarrayt n umahil (Méthode de travail)

D askan n tarrayt iwulmen ara yefren unelmad akken ad yexdem tazrawt:

Askan n uyawas, iḥricen n tezrawt d wayen akk iwulmen akken ad yettwaxdem tezrawt.

8- Adlismuy (Bibliographie)

Deg taggara n usenfar yewwi-d yef yal anelmad ad d-yefk ismawen n yidlisen, imadrassen, adegen n lantirnat i yessemres nay iwala nay iyef d yemmeslay nay i d-yebder akken ad yessiweḍ ad yexdem asenfar-is.